





太宗文皇帝實錄

永樂十四年正月甲午朔

上御奉天殿受朝賀大宴文武群臣及四夷朝使

丙申

命擢太醫院醫士陳敏為御醫賜之冠帶雲中東

丁酉

太廟命皇太子行禮

癸卯

以將祀南郊百官受誓戒于文華殿 鞮鞞脫脫  
不花等來朝命為副千戶賜冠帶鈔幣 夜月犯

井宿鉞星陳命萬福千之賜保帶隆帶  
丙午  
大祀

天地于南郊

皇太子代行禮畢遣太常寺丞沈與真復

命  
行入雲中

壬戌申

元宵節賜文武群臣宴

大邑酉

以北京河南山東饒免其永樂十二年逋租悉停  
官買不急之物仍命行在戶部遣官賑其饒民總  
九十九萬九千三百八十戶給糧百三十七萬九  
千九百石有奇

壬子

勅鎮守陝西豐城侯李彬及都司衛所日前所調  
官軍赴北京者如已在途悉令回還俟有召命則  
來

癸丑

建州衛都指揮僉事李顯忠及毛憐衛指揮使猛

哥不花等率其部屬郎卜兒罕札不哈等來朝命  
郎卜兒罕札不哈等為指揮千戶等官賜誥命冠  
帶襲衣鈔幣

乙卯 恭寧衛野人頭目把安台來朝命為都指揮僉事  
是日右春坊右中允吳均監察御史湯盤給事中  
李能等言國朝之制京官有犯必奏聞然後逮問  
永新伯許成擅杖工部主事王景亮違越禮法宜  
正其罪

皇太子曰成武人不達事體姑宥之己而召成諭

之曰古之賢臣不恃功而犯法惟能守法然後可  
長保富貴爾其慎之

戊午

勅平江伯陳瑄都督陳恭謝芳率領舟師僨運糧

儲赴北京

己未

以水災免河南懷慶德等府去年租稅  
如蓋大青白色尾跡有光出東南游氣中西南行  
至近濁

庚申

琉球國中山王思紹遣姪三吾良童貢馬及方物  
謝遣使不謹之罪賜鈔幣遣還

辛酉

命行中軍都督金玉為總兵官蔡福為副往山西  
廣靈等縣征剿山寇劉子進等子進廣靈縣民居  
鄉無賴嘗自言往石梯嶺遇道人授以雙刀劍鉄  
翎神箭能驅役神鬼造為妖言糾集鄉民劉興余  
貴郝景瞻樊敏等作耗妄署職名以皂白旗為號  
奪太白王家莊驛馬殺大同等衛採木旗軍所過  
劫掠人畜官軍不能制事聞遂遣玉等勦捕夜

大有星如盞大赤色光燭地出太微東垣內東南行  
至游氣

癸亥

四川鹽課提舉司言潼川蓬州西充南部安岳射  
洪蓬溪等州縣高馬等九十五鹽井洪武中以囚  
徒煎辦歲得鹽二十五萬九千八百斤自三十五  
年放遣囚徒各井至今封閉乞仍開煎從之

太宗文皇帝實錄

太宗文皇帝實錄卷之...

平定... 太宗文皇帝實錄... 卷之...

太宗文皇帝實錄

永樂十四年二月甲子朔

丁卯

遣官釋奠先師孔子

戊辰祭... 遣官祭先農

太社太稷

皇太子行禮 遣官祭先農

庚午

東昌府臨清縣臨清堤成置堤官壹員裁減浙江昌化縣縣丞主簿

乙亥

浙江布政司左叅議李彬坐贓免死輸作  
已卯

代世子遜熾第二子生賜名任墀

辛巳

設交趾順為縣之僕江口三巡檢司

壬午

陞蜀府教授鄭楷本府左長史致仕楷浦江義門  
鄭氏從蜀王椿之請也 賜和寧王阿魯台使哈  
刺國因等及建州左衛指揮猛哥帖木兒等宴

丁亥

火州土魯番使臣馬黑木等辭還賜之鈔幣

戊子

中軍都督僉事徐膺緒卒膺緒中山武寧王達之  
子

仁孝皇后之弟也洪武二十三年擢尚寶司卿二十

八年陞大同中護衛指揮僉事三十一年調金吾  
前衛三十五年附驃騎將軍中軍都督僉事膺緒  
為人質實無矯飾

皇太子以舅氏甚敬禮之蓋



仁孝皇后既崩諸舅惟膺緒在每見必命坐款語移時退必自送之有公事當啓者命首領官代之至是卒遣人致祭厚賻贈之尤厚恤其家

己丑

夜有星如鷄子大青白色有光出漸臺東北行至近濁

辛卯

賜慶王梅鈔三千錠 哈密忠義王免力帖木兒及都指揮木納法虎兒丁使臣辭還賜免力帖木兒綵幣及絹各百疋其母及故忠順王脫脫母綵

太幣絹各十疋陞木納法虎丁為都督僉事賜綵幣表裏各十疋

太宗文皇帝實錄

太宗文皇帝實錄

永樂十四年三月癸巳朔長陵殿成奉安對清獻

仁孝皇后神位命趙王告祭

命都督梁福充總兵官往來湖廣貴州鎮守城池嚴

飭兵備

戊戌王何魯台

改刑部左侍郎金純於禮部

庚子

陞禮部左侍郎金純為本部尚書  
陞錦衣衛指揮僉事劉敬為指揮使  
是日守三山門都指揮

僉事孫勝怠於防守至夜不鎖水關事覓  
皇太子問不以實對法司論當斬令旨免死謫從  
貴州總兵官都督梁福立功贖罪

壬寅

和寧王阿魯台以戰敗瓦剌之衆遣使拾驢等奏  
獻所俘獲人馬特賜宴勞及還命錦衣衛指揮張  
晟偕往賜阿魯台及其母綵幣五十表裏都督也  
先土干與瓦剌戰有勞賜綵幣二十表裏阿魯台  
部下頭目戰有勞者格擔等二百三十人陞都指  
揮指揮千百戶賜賚有差戰沒者賜祭  
別失八

里王馬哈麻姪納黑失只罕遣使哈只等貢馬及  
方物且告馬哈麻卒無子遣中官李達給事中傅  
安等往祭馬哈麻仍以璽書命納黑失只罕嗣為  
王賜金織文綺盔甲弓刀并賜其母綵幣

上命哈只等言別失八里與哈烈有隙各蓄爭鬪之

意復賜璽書諭納黑失只罕并哈烈俾各釋怨睦  
隣保其民人以享太平之福又聞別失八里頭目  
忽歹達事其主四世國人信服今能贊輔納黑失  
只罕亦賜璽書綵幣嘉勞之

甲辰

改趙王高燧封國于彰德申命漢王高煦往居青州時高煦奏願留侍左右不欲之國復賜勅曰既受藩封豈當長在侍下前封雲南憚遠不行與尔青州今又托故如果誠心留侍去年在此何以故欲南還是時朕欲留尔長子亦不可得留侍之言殆非實意青州之命更不可辭

達王植第十五子生賜名貴燭

辛亥  
陸翰林院修撰兼右春坊右贊善梁潛為本院侍讀仍兼右贊善編修陳全為侍講太常寺博士孔

大克準為本寺丞廣西道監察御史傅禮為湖廣按察司副使鑄印局大使楊尹銘為中書舍人仍掌本局事改江西按察司僉事劉選於福建按察司起復太常寺少卿王勉命故金吾左衛指揮同知王瑄義姪享虎賁左衛指揮僉事何全弟清大興左衛指揮僉事韓察吉兒子打蘭不花各襲職

庚申

前貴州普安安撫慈長有罪下獄死先是慈長謀占營長黃暹阿賽地方私置金鼓旗幟火器聚眾殺掠強娶民人囉囉為妾不從遂殺其夫闔其子

事聞命布政使孟驥勘視慈長領兵萬餘圍驥  
以計擒之解京師將誅之而死於獄

辛酉 命戶部歲給廣昌王濟煬祿米二千石 修龍虎山

上清宮及懿真觀

太宗文皇帝實錄

太宗文皇帝實錄

永樂十四年夏四月癸亥朔享

太廟

命皇太子行禮

夜有星如碗大青白色有光出平

星西南行至雲中

丁卯

勅甘肅總兵官都督費獻嚴邊備

戊辰

製長陽遠安興山巴東靖江五王府儀仗

庚午

貴州左布政使蔣庭瓚奏思州思南二府舊有土

軍二千戶所聚則為兵散則為農不妨農事今改  
隸前軍都督府專守軍律不得務農乞仍舊為便  
從之

辛未

琉球國中山王思紹使韓完義等貢馬山南王他  
魯每遣使鄭儀才等奉表貢方物謝襲封恩

壬申修

大祀壇及神樂觀山川壇

懿文陵禮部祭祀清吏司郎中周訥上言今天下  
太平四夷賓服民物阜豐請封禪泰山刻石紀功

德垂之萬世尚書呂震亦言

皇上聖德神功昭格上下宜如訥請

上謂震曰今天下雖無事然水旱疾疫亦間有之朕  
每聞郡縣上奏未嘗不惕然於心豈敢謂太平之  
世且聖經未嘗言封禪唐太宗亦不為封禪魏徵  
每以堯舜之事望太宗尔欲處朕於太宗之下異  
乎徵之愛君矣尔當以古人自勉庶幾不忝宗伯  
之任

甲戌

命朱紹祖為通政司右叅議紹祖故北京刑部尚書

命瀋之長子韃靼阿刺哈兒等九人各率家屬來歸  
命阿刺兒為都指揮僉事餘授指揮千戶百戶俱  
賜冠帶文綺襲衣

乙亥

命翰林院學士兼左春坊大學士胡廣為文淵閣大  
學士右春坊右庶子兼翰林院侍講金幼孜俱為  
翰林院學士三人俱仍兼春坊原職  
夜有星如  
盞大赤色光燭地出西北雲中東南行至雲中後

五小星隨之

丁丑

朝鮮國王李芳遠遣陪臣韓長壽等貢方物賀  
萬壽聖節 復設孟養軍民宣慰使司命故土官刀

木旦次子刀得孟為宣慰使初刀木旦及其長子  
思樂發為緬甸土官那羅塔所殺司遂廢孟養之  
人從木旦之姪玉賓散居干崖金沙江處者三千  
餘人朝廷嘗命玉賓署宣慰使以撫之至是復設  
宣慰司授刀得孟宣慰使改授玉賓為本司同知  
令率其衆復業仍遣使諭那羅塔各守疆境毋再  
侵擾以取罪愆

乙卯

萬壽聖節

上御奉天殿受朝賀大宴文武群臣及四夷朝使

壬午

設直隸淮安府山陽縣之清河福興清河縣之新  
莊邳州之乾溝徐州之沽頭上沽頭下沛縣之金  
溝山東濟寧州之谷亭孟陽泊魯橋十關置關官  
各一員及雲南臨安府蒙自縣之菁口關教三部  
長官司之部舊村二巡檢司

癸未

夜有二星如蓋大青白色光燭地其一出文昌西

太北行至近濁其一出南斗杓東北行至游氣 行

在禮部尚書呂震言

皇太孫將行婚禮預製儀仗其制宜如親王  
皇太孫妃冠服儀仗亦如親王妃制惟增製燕居  
冠服從之 交趾鎮夷衛百戶丁仕驗來朝仕驗  
南策州民初平交趾時効力捕寇英國公張輔表  
授其職至是來朝且貢馬謝恩賜鈔幣遣還



太宗文皇帝實錄

太宗文皇帝實錄  
永樂十四年五月壬辰朔暹羅國王昭祿群膺岐  
羅諦刺卒其子三賴波磨刺札的賴遣使柰世賢  
等告訃且請襲爵詔遣中官郭文往祭其父別遣  
使賫詔封三賴波磨刺札的賴為暹羅國王仍賜之  
素綺羅白毯然布等物並賜其頭目大庫等幣帛  
甲午

總兵官都督金玉等擒獲山西廣靈等縣山寇劉  
子進等百三十五人械送京師  
上謂行在刑部臣曰此徒本皆良民或因饑窘或為

官府虐害不得已相率為盜可止罪其首惡以示懲戒餘皆免死發交陞南丹奉議沙池向武五開銅鼓各衛充軍

勅王等還京

丙申

端午節

上御東苑觀擊毬射柳賜文武群臣宴自公侯以下

至衛士耆民賜鈔有差

己亥

太金吾右衛小旗王貴妻張氏一產二男一女命如

例優給

庚子

修揚州府郡伯鎮上下二關

辛丑

妙覺圓通慧慈輔應輔國顯教灌頂弘善西天佛子大國師釋迦也失辭歸

御製贊賜之并賜佛像佛經法器衣服文綺金銀器

血烏思藏怕木竹巴灌頂國師闡化王吉刺思巴

監巴里藏卜又力工瓦闡教王領真巴兒吉監藏

各遣使貢馬及方物賜鈔幣等物有差

甲辰

賑直隸六安英山礪山蕭縣及浙江西安諸縣饑  
民凡二萬三千四百戶給糧三萬二千八百石有

奇

丙午

設交趾府州縣儒學及陰陽醫學僧綱道紀等司  
文州北江建平諒江奉化建昌鎮蠻新安順化三  
江太原宣化十二府歸化寧化三帶慈廉福安武  
寧北江長安諒江洪快消化愛宋潮下洪南策泚  
江沱江宣江一十九州慈廉石室平陸安樂立石

挾寧清潭芙蓉嘉林超類慈山東岸善誓細江苦  
才大灣望瀛清遠鳳山平河保祿安寧古隴唐安  
西真膠來真利布逮昌芙蓉東結永涸太平水棠  
古費安者同利清沔至靈安定梁江麻溪清波夏  
華西攔安定司農永通洞喜武禮當道文安曠揚  
底江乙平原收物蒙麻籠安立六十二縣儒學諒  
江建昌鎮蠻新安三江太原六府歸化福安慈廉  
北京武寧嘉林諒江上洪快東潮下洪南策沱江  
萬崖十四州石室應平善才安寧平河保祿安寧  
唐安多錦真利布芙蓉東結峽山水棠古費安老

至靈麻溪清波夏羊古農當道楊底江平原二十  
六縣陰陽學建昌鎮蠻新安太原宣化五府嘉興  
三帶威蠻北江嘉林諒江上洪東潮下洪洮江沱  
江宣江十三州麻寵安立水尾象清威應平細江  
善才望瀛大灣清遠平湖庚安多錦安寧古隴順  
為太平真利市芙蓉東結永涸安老水棠清沔麻  
溪清波夏平古農收物三十一縣醫學新安清化  
太原三府僧綱司嘉興廣威歸化北江長安諒江  
上洪快東湖下洪清安九真洮江沱江宣江七源  
十六州僧正司慈廉挾寧安樂立石石室清威清

潭芙蓉嘉林超類慈山東岸善誓細江善才大灣  
望瀛安本平和保祿安寧唐安多錦順為西真美  
祿真利布建昌芙蓉東結多翼古蘭廷河太平峽  
山水崇右費四岐同利清沔至靈安定東山梁江  
麻溪清波夏平古農富良安定當道曠楊收物美  
良五十六縣僧會司建昌鎮蠻新安清化太原宣  
化六府道紀司歸化福安利仁慈廉武寧北江嘉  
林長安上洪快東湖下洪南策洮江沱江十五州  
道正司慈廉立石清潭清威嘉林超類慈山東岸  
善誓善才望瀛安本黎平平河保祿唐安美祿西

真芙蓉果結太平水棠古費安老四岐清沔至靈  
麻溪清波夏莘安定當道文安曠乙大壘收物三  
十七縣道會司

庚戌

文趾總兵官英國公張輔言自廣東欽州天涯驛  
經苗尾港至涌淪沸洶從萬寧縣抵文趾多由水  
道陸行止二百九十一里北兵溫故路近七驛宜  
設水馬驛傳以便往來從之於是設廣東欽州之  
防城佛洶二水驛寧越涌淪三遞運所佛洶巡檢  
司靈山縣之龍門安遷二馬安河格木二遞運所

文趾靖安州同安水驛同安遞運所萬寧縣之  
萬寧水驛萬寧遞運所新安縣之新安安和縣之  
安和東潮州之東潮三水驛至靈縣之平灘水驛  
平灘遞運所慈山縣之慈山水驛廣東欽州天涯  
林縣嘉林馬驛交州府瀘江馬驛廣州欽州天涯  
馬驛俱為水驛廣西橫州州門水驛隸南寧府設  
文趾新安守禦千戶所 通政司右通政馬麟卒  
麟河南鞏縣人洪武中為給事中建文初以事謫

雲南

上即位循例召復舊職陞兵科都給事中再陞右通

政卒遣官賜祭麟無他長以許為能在兵科彈糾諸司無虛日

上嘗命署兵部總一日輒有過舉為人所糾自是許直之氣稍戢云

甲寅

夜有星如碗大青赤色光燭地出天桴旁如遺火

●東南行至雲中

丁巳復監察御史孫儼鄧真王仲壽官儼等嘗坐累降行人至是察非其罪皆復之

戊午

直隸金山衛奏有倭船三十餘艘倭寇約三千餘在海往來勅遼東總兵官都督柳江及各都司緣海衛所令謹備及相機勦捕廣東潮州府海陽縣言去年冬繁霜殺麥夏稅乞折輸麥粟從之

庚申

陝州雨雹傷麥是月設西番領思奔寨行都指揮使司以頭目喃葛加兒卜為都指揮僉事遣使給誥

命江西南昌等府言自四月至五月淫雨江水泛

命漲壞廬舍沒田稼命戶部遣人撫視

詔書

上制外臣以理且南意賦以中意賦計對金車並外  
其以四意對奉 吳日為西番附思奉事計賦計  
其申

親言去年冬蒙爾餘冬夏時心休備冬夏時  
新滿代今豈爾又賦新課計 實東臨仰新  
本新到不味重東與共言職督賦計又各職同  
直耕金山滿泰在對無二十餘新計無此二十餘

太宗文皇帝實錄

大明太宗文皇帝實錄

永樂十四年六月辛酉朔琉球國中山王思詔使

臣韓成義等山南王他魯每使臣鄭義才等辭歸

賜鈔幣表裏有差 徐州沛縣淫雨傷稼

乙丑

命都指揮僉事史亮子敬襲金吾左衛指揮使初亮

為本衛指揮同知以靖難功陞山東都指揮僉事

卒敬應襲指揮同知

上思亮功特陞之 賜國子監琉球雲南生百一十

九人夏衣 陝西都指揮使劉清掌寧夏衛事私

通外境激變番夷借用服飾等事覺法司當請斬  
罪特命宥死謫戍遼東 巡按四川監察御史陳  
正倫言廬州比歲民飢輸租不給乞令去年稅糧  
折收鈔帛從之

丙寅 遣官祭中雷

丁卯

勅鎮守寧夏寧陽侯陳懋曰瓦剌歸附人言馬哈木  
已死其衆潰散故停北征然我不可輕信此說輒  
大急邊備慎之慎之

命都督同知蔡福充總兵官指揮莊敬為副率兵萬  
人于緣海山東巡捕倭寇

上面戒之曰瀕海之民數罹寇害故命爾除寇安民  
爾宜嚴約束身先士卒以殄寇為務無縱下人重  
為民害違者併其將皆不貸 陞尚寶司丞張信  
為本司少卿中書舍人袁中徹為司丞戶科給事  
中汪衡為河南按察司僉事廣東道監察御史蔣  
彥為湖廣按察司僉事吏部員外郎韓彥起為廣  
西按察司僉事江西按察司副使顧佐為應天府  
尹改山東布政司右叅政張璘于山西布政司江



西按察司四川按察副使張緝於廣西按察司陝西按察司僉事王翥於湖廣按察司夜太白犯諸王東第一星

己巳

真定府獲鹿縣雨雹傷稼

庚午

文陞布政司右叅議莫勛率其屬三江奉化等府土官百三十九人來朝貢及金銀器等物上嘉勛等先有歸款之誠繼有從征之勞特賜宴勞令陞勛為本司右布政使三江府土官知府杜繼忠

為右叅政復賜璽書寵異之餘官屬各陞一級賜

綵幣有差

辛未

朝鮮國王李芳遠遣使貢方物

命故羽林前衛指揮使劉泉子安襲父職千戶李春子敬花崇子斌俱襲陞指揮同知張名得子旺車官受子崇俱襲陞指揮僉事金吾左衛千戶蕭聚子能襲陞指揮同知金吾右衛千戶張思中子名陳佳兒子聚俱襲陞指揮僉事敬等俱以其父隨征有功故陞用之府軍衛指揮僉事胡海自陳老

疾命其子全代職

壬申

山西布政司言平陽大同所屬二府州縣歲旱民

饒命驗口糞粟賑之

癸酉

命周王禘辭所賜在城稅課從之賑河南偃師縣

饑民三千一百七戶給糧九千一百八十三石

乙亥

廣東儋州土官周知王賢祐率生黎峒首王撒黎

佛金等來朝貢馬賜鈔幣遣還

上謂行在禮部臣曰黎人遠處海南素不需王化今

慕來歸而朝貢頻繁殆將困之非存恤撫之意自

今生黎土官峒首俱三年一朝著為令 韃靼楠

哥必里的阿藍察兒阿都刺來歸願居北京命楠

哥必里的為指揮僉事阿藍察兒等為百戶賜予

如例 直隸崇明沙守禦千戶所言本所四面皆

海城之南垣遮年風潮湧決屢築屢壞徒費工力

崇明縣南秦家村地勢高廣置城為便從之

丙子

修北京城北清河沙河土河三橋

戊寅

亦為忽山地面女直野人鎖奴兀等弗提衛卜不  
花刺郎等處回回鎖非等來朝貢馬駝賜鈔幣有  
差

己卯

哈烈撒馬兒罕失刺思俺都淮等朝貢賜<sup>使</sup>臣辭還  
賜之鈔幣命禮部諭所過州郡宴餼之仍遣中官  
魯安郎中陳誠等賫勅偕行賜哈烈王沙哈魯等  
及撒馬兒罕頭目兀魯伯等失刺思頭目亦不刺  
金掩都淮頭目賽赤答阿哈麻答罕等白金紵絲

紗羅絹布等物有差併賜所經俺的干及亦思弗  
罕等處頭目文綺

癸未

陞寧夏衛指揮僉事馮傑為指揮同知賜鈔二百  
錠衣一襲以告指揮王倫秋言得實故也 巡按  
四川監察御史羅通言四川行都司都指揮使郭  
贊隱匿罪人家財分受進貢馬及諸不法事點軍  
監察御史汪淋中與贊交通共為奸利宜並治其  
罪命都察院並追鞠之

甲申

勅捕倭總兵官都督同知蔡福等曰近登州衛奏有  
賊舡三十三艘泊靖海衛楊村島已勅山東都指  
揮衛青等帥軍往捕爾即合兵殄滅勿悞事機

丁亥

贈前燕府長史朱復為北京行部尚書謚忠定復  
鳳陽人剛介有操行初為長史事

上恭謹敢直言諫諍

上嘉之即位之初官其子濬至是復念藩邸舊勞故  
追贈焉仍命有司修其墳塋 夜有星如盞大青  
白色光燭地出正北雲中西北行至雲中

大戊子

禮部言湖廣興國州民歐文受妻李氏一產三男  
命循例優給 是月北京薊州遵化玉田通州灤  
縣及山東濟南商河諸州縣奏雨水傷稼命戶部  
遣人撫視

大明太宗文皇帝實錄

永樂十四年秋七月庚寅朔享

太廟命皇太子行禮 贈乳母保聖賢順夫人馮氏  
之夫鎮撫王忠為後軍都督府左都督賜謚恭靖  
遣官祭之

癸巳

鎮守寧夏寧陽侯陳懋進嘉瓜二實同蒂 錦衣  
衛千戶丁金嘉刺丁奉使撒刺亦還俱陞指揮僉  
事 擢錦衣衛散騎舍人張軌為旗手衛指揮使  
山東鄒縣淫雨水暴至壞民廬舍二百一十二

戶山東嶺南西水暴至新天靈合二百一十二  
乙未對縣不備備德合入縣陳漢斯古備故縣  
造郊祀祭器嘉陳丁奉封縣陳亦墨封縣前縣  
丙申字良字斯封縣並嘉山二寶回年離不  
山東霑化縣暴雨傷田稼

丁酉

戶部言河南衛輝府新鄉縣山東樂安州北京通  
州及順義宛平二縣蝗命速遣人捕瘞

戊戌

肇慶府知府王伯貞卒伯貞吉安泰和人博學工

文洪武十五年詔舉賢才共論治道縣舉伯貞應  
詔既至試所治經稱旨除廣東按察司試僉事分  
巡雷州上疏請極鹽法防海寇獲寇準所開舊渠  
溉民田以利民從之還改工部試主事丁父憂  
服至京以後期謫戍安慶永樂初用薦起知瓊州  
伯貞寬厚長者愛民如子無所不用其誠為政使  
民向善而已不拘文法諸峒黎歸化者萬三千餘  
人崖州黎嘗私忿爭相戰鬥衛軍利於漁取欲發  
兵勦之伯貞執不可曰彼自相讐殺耳非有寇城  
邑殺良民之惡不足煩官軍衛將不從伯貞議遣

寧遠縣縣丞黃童視之果讐殺也獲首賊數人罪  
之黎人遂安瓊田歲三獲其賦以給衛兵兵率以  
一時索足民急不能輸則以貨貸而抑減其貨之  
直民困之伯貞與衛約民三獲三輸之兵不敢違  
而民以紓嘗大旱民禱弗應伯貞躬禱之雨霑足  
修學舍閒暇親授業諸生獎勵開諭駸駸見成效  
自是瓊學舉進士者益衆其惠政多可紀嶺南郡  
守治行時論蓋以伯貞為首稱伯貞外和內夷泊  
然布素始終一節後丁母憂去服闋改肇慶知府  
命下以疾卒於北京伯貞同時有鄭懋中者泉州

晉江人以太學生擢廣東程鄉知縣寬恕廉慎縣  
有豪猾吏者素為民害懋中至首按之死於獄民  
大悅有爭訟者委曲誨諭之或未悟令退而思之  
率感服不施鞭朴詞訟以簡縣中稱治既卒吏民  
像而祠之時嶺南縣令亦以懋中為巨擘云  
夜有二星如鷄子大其一青赤色尾跡有光出天大  
將軍上東南入外屏其一赤色有光出壁東南入  
天蒼

己亥

設大名府元城縣小灘巡檢司復設文陞演州望

江鎮入安府臨安鎮二金場局先是以蠻人弗靖  
罷二局至是寇平復置

庚子

賜朝鮮國貢使宴

辛丑

命保定侯孟瑛吏部右侍郎師達督修漢世子府于

青州夜月犯建星西第一星

壬寅

河南開封等府十四州縣淫雨黃河決堤岸沒民

居田稼

乙巳

上諭行在兵部臣曰國家置武衛禦暴亂非練習兵  
事善撫士卒者不可任比聞軍官日以酣飲為樂  
因循苟且不事操練甚者剗削軍士致其凍餒近  
倭寇登岸劫掠居民瀕海官軍倉惶無措遂至失  
機爾兵部同安遠侯柳升精選指揮千百戶練習  
戎政者往任其事仍須簡其不職者悉送京師自  
是與選者

上必親閱遣行之際指揮賜鈔百錠千百戶八十錠  
悉命乘傳以行掌錦衣衛事都指揮僉事紀綱



有罪伏誅綱濟南臨邑人由郡庠生從

上平內難累官錦衣指揮使陞都指揮僉事日見信任而恃恩驕橫朋比罔止與指揮僉事莊敬等興販私鹽居處服食器皿僭擬上用畜歌童舞女於家出入迎導詐傳詔旨役臨邑之民營創私擅作威福以危法中人受四方賂遺及侵盜官物不可勝紀氣勢傾中外事覺時敵在海上逮至

上命磔綱敬於市籍其家無少長咸謫戍邊除福建光澤縣荒田二百三十六頃有奇租額夜太白犯鎮星

丙午

應城伯孫巖有罪免初巖鎮通州通州衛千戶蔡原與金吾右衛千戶馬俊鬪毆赴巖陳訴巖怒俊言不遜搥殺之事覺

上召問巖巖不以實對刑科給事中陳敏劾之命法司會公侯鞠之有驗免安置交趾

丁未

右軍都督僉事趙清卒清鳳陽定遠人性伉直洪武中以軍功積官至北平都指揮使陞右軍都督僉事一致仕

上之舉義也建文君命清守彰德

上兵至城下遣人招之清對使者言

殿下至京城日但以二指許帖召臣臣不敢不至今

未敢也

上不之罪暨即位召清還以老仍命以右軍都督致

仕而官其子為指揮至是卒

上及皇太子皆遣官賜祭賻以布帛

戊申

賜弗提衛指揮卜不花刺郎地面回回鎖非等亦

馬忽山地面女直野人鎖奴兀宴

己酉

革南北二京城門郎 永平府久雨漂漆二河溢

壞民田禾廬舍事聞命賑恤之

庚戌

朝鮮國王李芳遠遣陪臣李文等奉箋表賀

皇太子千秋節

辛亥

改湖廣布政司左叅議羅義於陝西布政司 巡

按江西監察御史成均劾奏江西布政司左叅政

潘賜不修職守惟觴酒賦詩為務及與都指揮使

唐琮督造海船慢令失期

上以琮武夫姑貫其罪命都察院逮賜鞫之蜀王椿密遣儀賓顧瞻奏谷王穗謀不軌先是谷府隨侍都督張興因奏事北京密言於

上曰穗陰養死士造戰船有不臣之心宜豫為之備上曰朕待穗厚於諸王豈當有此興言願陛下察之有如臣言不實甘就顯戮

上曰朕徐察之興還過南京入見

皇太子又以穗所為密啟且曰臣已具言於

上上以至親之故若有未信臣言者今言於殿下幸

他日免臣連坐也

皇太子遣人密奏之

上猶未決至是椿盡發其事蓋穗萌異志久矣以椿同母兄獨嘗一再詣蜀言之椿不聽然猶未忍發但嚴書戒正之會椿子崇寧王悅燭獲罪於父逃避穗所穗詭衆曰建文君初實不死今已在此椿聞之遂具奏于

上并奏其他事謂穗恃寵縱橫有無君之心藏匿亡叛造作舟艦弓弩器械教習兵法戰陣之事大建佛寺造天成閣私度僧千人晝夜祈禱祝詛又與

都指揮張成臣者吳智等日夜謀議蹤跡詭秘人  
莫之知號張成為師尚父捏造偽讖謂已於親王  
中次在十八與讖相應傳報於人又密遣典寶劉  
信猷帶寶於椿麓所為讖語於帶匣示之復致書  
於椿有曰德蒼時不可言桓文之事桓文時不可  
言德蒼之施辭意含蓄徃徃類此又令巧匠製燈  
於上元節獻於朝就俾詣內府架構傾伺動靜又  
選壯士習音樂擬獻于朝供應殿庭以圖間隙前  
長史盧廷綱屢諫不聽反誣以誹謗具奏磔殺之  
王府僚屬遂無敢復諫者指揮唐彰舍人覃當嘗  
命泄其事咸被搢殺又於長沙山林池沼竹木花果  
鳥獸魚鱉之利盡專之稅及六畜糞壤若奇花怪  
石之類不以遠近盡移入府內為游觀之具長沙  
之民苦之

上得奏歎曰朕何如待樵乃有此心又曰蜀王忠孝  
人宜不見欺且張都督嘗有言矣遂遣中官賈勅  
諭樵令送崇寧王還蜀且察其所為 夜鎮星犯  
鬼宿東南星

壬子

皇太子千秋節免賀禮

癸丑

賜書獎答蜀王椿曰去年谷府隨侍都督張興來  
言樵潛萌異圖言之至再兄未之信今得賢弟書  
具有實事人之無良一至於此賢弟此心周公忠  
存王室之心也儀賓顧瞻回附黃金二百兩白金  
千兩鈔四萬錠玉帶一金織袞龍紵絲紗羅衣九  
襲紵絲線羅紗各五十疋絨錦十疋綵絹千疋纈  
綿十條高麗布百疋米千石胡椒千斤馬十匹鞍  
二副徃致兄意至可領也

命隆慶州及永寧縣置社稷山川屬壇

甲寅

行在戶部尚書夏原告言北京戶口食鹽惟足本  
處軍民之用今扈從官軍人衆鹽不足用宜令北  
京行部於長蘆鹽運司支運每鹽一斤收鈔一貫  
庶公私兩便鈔法亦通從之 是日河南布政司  
左叅議王徵有罪下獄時命方面官巡視民瘼徵  
所至恣肆貪酷杖殺新鄭等縣吏民數人刑科給  
事中李能劾啟徵縱貪饕如豹虎忽民命如草芥  
宜治其罪

皇太子曰巡視民瘼求以生人而乃殺人罪奚可容

命都察院追鞠之

乙卯

監察御史康慶劾奏山西都指揮僉事穆肅嘗以  
妓女遺紀綱交結朋黨

上命錦衣衛鞠之

丁巳

陞刑部主事曹存禮為山西按察司僉事 女直  
野人頭目保童塔失塔木等來朝命保童為兀者  
右衛指揮同知塔失塔木等二十三人為指揮僉  
事秃刺納等十四人為副千戶忽失塔等二人為

衛鎮撫忽失納等八人為百戶兀桑哈為所鎮撫  
俱賜誥勅

己未

雲南鎮康府及孟連大侯八寨諸長官司各遣人  
貢馬悉賜鈔幣遣還 夜有星如鷄子大赤色尾

跡有光出五車東北行入文昌 是月給戌交趾

軍士衣鞋三萬七千六十五事件仍令廣東廣西

湖廣江西增製五萬事給之 福建建寧邵武延平

三府及江西廣信饒州二府浙江衢州金華二府

大雨溪水暴漲壞城垣漂房舍溺死人瓦畜甚眾

事聞命戶部遣人分視賑恤遼東  
河代子河水溢浸沒城垣屯堡  
彰德府屬縣蝗

太宗文皇帝實錄

八月庚申朔巡按四川監察御史汪淋中言  
越高原潘益井會川禮州德昌打冲河俱係極邊衝要  
衛所舊皆王城宜甃以磚石庶可永久從之

太宗文皇帝實錄

擢翰林院習字縣丞陳登秀才陳景茂黃卓俱為  
中書舍人弗提衛奏舉女直野人頭目牙速等  
堪任以職從之設吉灘衛命牙速為指揮同知亦  
里當哈等為千百戶賜誥印冠帶襲衣及鈔幣有  
差

壬戌

山海衛指揮使司言衛城及壞於霖潦者三百六十餘丈係邊境要害之處宜亟修治從之

癸亥

設亦馬忽山衛命女直野人頭目鎖奴兀為指揮使哈撒哈為指揮同知木答兀等七人為指揮餘事餘為千戶百戶鎮撫賜誥印冠帶襲衣及鈔幣有差

甲子

夜有星如盞大青赤色有光出東南雲中東南行

至近濁

乙丑

召鎮守陝西豐城侯李彬還京  
刑科都給事中  
曹潤有罪徙邊

丙寅

改工部尚書吳中為刑部尚書

丁卯

遣官釋奠先師孔子

戊辰祭

太社太稷命皇太子行禮



命故榮昌伯陳賢子常山右護衛指揮使智襲榮昌伯

壬申

陞翰林院修撰王英王洪俱為本院侍講

癸酉

旦壽星見欽天監以聞行在禮部尚書呂震帥文武百官請上表賀賜勅諭曰朕惟

太祖高皇帝膺受

天命掃除群雄創業垂統立綱陳紀以安天下臻茲

太平是以上天垂象屢顯鴻應揆朕涼薄曷克膺茲矧天道無常惟德是輔凡為臣民能遵守

太祖高皇帝成憲為子盡孝為臣盡忠奉公守法安分守己用承福祐國家之祥孰大於此爾文武臣僚宜各盡乃心輔朕不逮國家有永遠之安爾等暨爾子爾孫亦同享永遠之福壽星之瑞其勿賀

陞翰林院檢討張伯穎為本院修撰廣西按察司僉事張鑑為湖廣布政司右叅議山西道監察御史彭進為河南按察司副使以刑部郎中韓善為僉事改工科給事中甄實於兵科陝西道監察

御史杜春於江西道

命錦衣衛故指揮同知何義宗子清襲陞指揮使

丙子遣官祭歷代帝王

丁丑

遣官祭太歲風雲雷雨嶽鎮海瀆山川等神

遣官祭旗纛

詔天下軍民預北京營造者分番赴工所在有司人給鈔五錠為道里費

戊寅

中官賈勅自谷府還言樵反謀有狀遂遣勅符金牌召樵夜有星如蓋大青白色光燭地出正南雲中東南行至雲中

庚辰

修永平遵化薊州滹兩所壞城垣

辛巳

刑科給事中丁珏有罪謫戍邊

珏

淮安山陽人素

無行不為鄉里所為珏積不平值里社賽神遂誣

告里人聚眾為妖言坐死者數十人法司言珏忠

且有才以為給事中恒伺察人小過輒以上聞皆側

日珏因肆貪黷放濫無恥及母喪未期起復輒隨  
衆入大祀齋宮復與慶成宴為監察御史俞信等  
所劾逮至行在法司論以大不敬  
上曰朕素疑其奸邪若悉行所言左右無一人得全  
者豈可以玷朝行遂謫戍邊

癸未

旌表太原府石州儒學正梁準孝行準陝西鳳翔  
人母喪廬墓哀毀有群鳥飛鳴其上所種樹有鵲  
來巢有司上其事特旌之擢為均州知州

甲申

夜有星如盞大青赤色光燭地出織女西入天市  
西垣外

乙酉

交趾鎮夷指揮使陶弘交州左衛指揮同知范士  
興交州右衛指揮同知路文律交州中衛指揮同  
知黃振三江衛指揮同知裴如隆俱遣人奉表貢  
馬及方物謝受官恩各賜鈔幣遣還 女直野人  
頭日本良苦等來朝設扎真衛命木良苦等為指  
揮千百戶賜誥印冠帶襲衣及鈔幣有差

丁亥

作西宮初

上至北京仍御舊宮及是將撤而新之乃命工部作

西宮為視朝之所

戊子

設雲南嶧峨縣之伽羅馬龍他即甸長官司之摩

沙勒二巡檢司

太宗文皇帝實錄

太宗文皇帝實錄

九月己丑朔

癸巳

夜月犯東咸南第一星

甲午

浙江左布政使辛彥博卒彥博山西汾州人洪武

中由國子生擢監察御史陞僉都御史詹事府詹

事改山東按察使雲南浙江二布政司左叅政永

樂元年陞浙江按察使坐事謫戍邊尋起為監察

御史陞福建右叅議十二年陞浙江布政使彥博

謹直有通才居官以廉能見稱云

丙申

上聞漢王高煦於各衛選精壯軍士及有藝能者以  
隨侍為名教習武事造作器械心益疑之遂有還  
京之意先勅右軍都督僉事歐陽青曰親王護衛  
官軍自有常數凡各衛選撥隨侍漢王者令各還  
原伍不許稽留時青專典漢府兵事故也

丁酉

重陽節賜文武群臣宴

勅捕倭總兵官都督同知蔡福還京所領官軍悉還

原衛 掌常山右護衛都指揮同知陳中掌常山

中左二護衛都指揮僉事徐良楊旺以擅調軍士

謫戍交趾

己亥

陞浙江按察司副使李素為湖廣布政司左叅政  
戶科給事申郎慶為河南按察司僉事改廣東按  
察司僉事李約於山東按察司北京苑馬寺卿喬  
穗於遼東苑馬寺

命錦衣衛故千戶楊真子崇襲陞本衛指揮僉事先  
是真從太監鄭和使西洋至場蘭山卒及是錄其

功故陞用其子云

命田昇為隆慶衛指揮使昇故指揮僉事真之子初  
真為隆慶衛指揮僉事征交趾陞都指揮僉事卒  
昇應襲指揮僉事

上以真從征功多特命襲指揮使仍賜之鈔免河  
南歸德州寧陵縣被水田租北京行太僕寺卿  
楊砥言近年馬蕃息而少牧養之人請令民五丁  
養種馬一每十馬立群頭一人五十馬立群長一  
人養馬之家歲蠲芻糧之半而薊州以東至山海  
諸衛土地寬廣水草豐美其屯種軍士亦宜人養

種馬一匹歲子粒亦免其半

上曰既責軍士孳牧則不可復徵子粒其悉蠲之餘  
從所言

辛丑

夜有二星如鷄子大其一赤色光燭地出天苑西  
北行至游氣其一青白色有光出勾陳西北行入  
紫薇東蕃

壬寅

保安衛指揮同知奏所轄境內諸隘口可通車騎  
者三日深井口李家庄大箭口皆已設烽候分兵

守之樵牧小徑八日董家庄桃花口賈兒嶺靈山  
寺絨坊溝天井關泗水口小箭口悉已塞之其絨  
坊溝等處又有可攀援而渡者亦宜分兵巡守今  
議可通車騎者用百戶一員領甲士二十人守備  
樵牧小徑宜用甲士十人從之

癸卯 二星  
京師地震

甲辰

上 瓦剌順寧王馬哈木賢義王太平等使臣觀音奴  
塔不塔等辭還賜鈔為道里費命太監海童等賚

勅同往諭以逆順禍福之道并賜之綵幣

丁未以

車駕將還京於奉天殿丹陛設壇告

天地遣官祭北京山川城隍旗纛諸神及所經

陵寢祠廟悉如八年之制 夜月祀畢宿

戊申

車駕發北京命監察御史給事中存問高年循例

給賜 苑馬寺卿喬穩奉穩濟南章丘人初為燕府審

理正

上靖內難命穩署北平按察使事與陳珪等督糧守

北城永樂元年五月陞兵部左侍郎三年調北京刑部八年改北京苑馬寺卿調遼東苑馬寺未至官以疾卒

甲寅

直隸淮安府言鹽城縣颶風海水泛溢傷民田二百十五頃有奇

皇太子命蠲今年田租凡千一百七十餘石

丙辰

夜有星大如盞青白色尾跡有光出五車東北行至近濁



太宗文皇帝實錄

永樂十四年冬十月己未朔享

太廟命皇太子行禮夜有星如盞大青白色有光出  
土正北游氣中北行至近濁

庚申

廣東都司言碣石衛城垣為水所壞請以軍士脩  
土築大濠各對其官殿與人文計築入濠悉回新  
皇太子從之

甲子

兵部左侍郎盧淵卒淵字文濺南昌新建人洪武

中由太學生任兵部車駕司主事陞員外郎又陞  
郎中居官廉慎蒞事勤敏不苟從違建文中陞左  
侍郎坐累黜

上正大統召復其官淵與人交信為人謀忠同僚如  
忠伯誠茹瑞尚書劉雋全忠方賓其人品不齊咸所  
心服而倚任焉嘗疽發背

上遣內侍賜善藥疾愈入謝賚予尤厚至是卒賜祭  
及賻遣官護喪歸葬焉

乙丑

車駕次濟寧先夕夢魯王肇輝侍立于前甚恭既旦

肇輝來謁

上甚喜賜勅獎勵加賜鈔幣米千石蓋肇輝居國簡  
靜奉法謹禮

上素重之云

丙寅

設徐州沛縣刁陽湖板閘

戊辰

設交趾安樂縣之東皋農貢縣之永通董縣之董  
站三馬驛

壬申

車駕次夾溝親視徐王墳 占城國王占巴的賴遣使謝那該等貢象犀等物至行在謝罪

甲戌 夜月食

乙亥

夜有星如盞大青白色尾跡有光出孤矢東南行後二小星隨之

丙子

撒馬兒罕土魯番地面回回法忽兒丁等貢馬百七十匹

皇太子命禮部賜賚如例

丁丑

車駕次鳳陽親祀

皇陵賜耆民酒肉

癸未

車駕至京師遣官祭告

天地

宗廟

社稷及京都祀典諸神躬謁

孝陵還御奉天殿受朝賀谷王穗至京入見

上命中官送至王邸以蜀王奏章示之穗慚惧慄慄  
無一言自辯但曰死罪死罪

上天地大恩全其生耳

甲申

初谷王穗在沙造謀事將發而召命遽至不得已  
就徵至是成國公朱勇都察院左都御史劉觀同  
文武群臣奏言切聞封建親支藩屏

宗社傳之萬年相為悠久此聖王之制也其有包藏  
禍心謀為不軌如周官之管蔡漢之淮南必至於  
割恩正法者亦聖王之制也誠以

宗社之安危生民之休戚公義所存不以私廢今谷  
王穗包藏禍心以為天命可以幸求大寶可以力  
致詐為圖讖造作妖言誑惑黎庶搖撼人心陰養  
無賴招納亡命演習兵法私造戰艦匿於劉陽僻  
處屯田積穀廣設倉廩日夜礪兵器造作機弩毒  
矢專為反謀進賀冬至表文不行拜送嘗目都指  
揮張成為師尚父呼宦者吳智劉信為國老令公  
又令巧匠製上元燈進奉就碑碑入內架構選壯士  
工習音樂欲獻于朝冀供應殿庭逞其奸計蜀府  
宗寧王逃至長沙入其內府詐云建文君實不死

來歸於我欲與舉事宗寧不從留府中數月蜀王  
聞之遣人諭以禍福樵終不悛長史盧<sup>廷</sup>綱極諫  
既不聽又誣以死罪殺之大建佛寺私度僧尼祈  
天禱命擅磔殺無罪人投其屍水中跡其所犯大  
逆不道有非一端賴至未文不計其罪當自時於  
天地山川宗社之靈蜀王忠貞發其奸謀此而不誅何以示戒  
皇上雖篤於親親有所不忍其如天下公義何伏請  
割恩正法必不可宥謹昧死以言前後章凡五六  
奏一

上曰朕自有處置

丙戌

哈密忠義王免力帖木兒遣指揮脫脫不花貢馬  
三百匹哈密回回馬黑麻撒刺只等各貢方物  
丁亥

疊州等處僧宗竹星吉等來朝貢馬之賜鈔幣  
是月禁交趾安息諸香不得出境

太宗文皇帝實錄

太宗文皇帝實錄  
十一月戊子朔欽天監進永樂十五年大統曆  
上御奉天殿受之頒賜諸王及文武群臣 古里瓜  
哇滿刺加占城蘇門答刺南巫里沙里灣泥彭亨  
錫蘭山木骨都束留山喃渤利不刺哇阿母麻林  
刺撒忽魯謨斯柯枝諸國及舊港宣慰司各遣使  
貢馬及犀象方物

己丑

詔戶部歲給漢王趙王祿米各止萬石 四川建昌  
衛土官指揮使安薩遣通事楊春等貢馬賜鈔幣

遣還... 辛卯... 以谷王穗謀逆事條示諸王并勅諸王議其罪

癸巳

廣東肇慶府高要縣徭首周四奇等來朝籍其屬八十七戶男女二百二十四口願入版籍供賦稅

賜鈔幣遣還

乙未

皇孫瞻<sup>瞻</sup>垓<sup>瞻</sup>琅<sup>瞻</sup>瞻<sup>瞻</sup>塔<sup>瞻</sup>瞻<sup>瞻</sup>垌<sup>瞻</sup>瞻<sup>瞻</sup>塿<sup>瞻</sup>冠

丙申

改山東道監察御史李琳於江西道 賜滿刺加

古里瓜哇占城錫蘭山骨都東溜山喃渤利不刺

哇阿母蘇門答刺麻林刺撒忽魯謨斯柯枝南巫

里沙里灣泥彭亨諸國及舊港宣慰司使臣宴

戊戌

四川天全六番招討使司副招討楊欽來朝貢馬

賜鈔幣遣還

己亥

賜哈密忠義王使臣脫脫不花等及哈密回回馬

黑麻撒刺只等宴

庚子

交趾土官都指揮僉事陳汝石遣其子文僚等進馬謝恩賜鈔幣遣還

辛丑

周王橚率其子鎮平王有曠宜楊王有焮等來朝宴周王于華蓋殿賜從官宴于中右門令皇太子宴鎮平王等于文華後殿其從官宴于西廡

壬寅

復詔群臣議營建北京先是車駕至自北京工部奏請擇日興工

上以營建事重恐民力不堪乃命文武群臣復議之於是公侯伯五軍都督及在京都指揮等官上疏曰臣等切惟北京河山鞏固水土厚民俗淳朴物產豐富誠天府之國帝王之都也

皇上營建北京為子孫帝王萬世之業比年車駕巡狩四海會同人心協和嘉瑞駢集天運維新實兆於此矧河道疏通漕運日廣商賈輻輳財貨充盈良材巨木已集京師天下軍民樂於趨事揆之天時察之人事誠所當為而不可緩伏乞上順天心下從民望早勅所司興工營建天下幸甚六部



都察院大理寺通政司太常寺等衙門尚書都御  
史等官復上疏曰伏惟北京

聖上龍興之地北枕居庸西峙太行東連山海南俯  
中原沃壤千里山川形勝足以控四夷制天下誠  
帝王萬世之都也昔

太祖高皇帝削平海宇以其地分封

陛下誠有待於今日

陛下繼

太祖之位即位之初嘗陞為北京而宮殿未建文武

群臣合詞奏請已蒙俞允所司掄材川廣官民樂

於趨事良材大木不勞而集比年

聖駕巡狩萬國來同民物阜成禎祥協應天意人心

昭然可見然

陛下重於勞民延緩至今臣等切惟

宗社大計正

陛下當為之時况今漕運已通儲蓄充溢材用具備

軍民一心營建之辰天實啟之伏乞早賜

聖斷勅所司擇日興工以成國家悠久之計以副臣

民之望

上從之撒馬兒罕土魯番回回法忽兒丁等辭歸

賜之鈔幣

丙午

勅交趾總兵官英國公張輔馳傳還京

丁未

改漢府中護衛為青州護衛 夜有星如蓋大赤

色燭地出奎旁西行入室東

戊申

命鎮平王有燿宜陽王有焮及漢王子瞻盜瞻壘城

冠

上既至京師益聞漢王高煦縱護衛軍士於京城內

外劫掠私造兵器陰蓄異志怒甚猶聽忍未發但

革其左右二護衛其官軍悉調居庸關北立保安

左右二護衛以處之

己酉

周王橚及鎮平王有燿宜陽王有焮等還國宴如

初至賜周王鈔二萬錠紵絲三百疋紗羅各百疋

絹千疋兜羅綿五十二條火者二十八人馬百疋

鎮平王等及從官賜賚各有差

壬子

冬至

上御奉天殿受朝賀大宴文武群臣及四夷朝使  
賜占城國王占巴的賴使臣謝那談等宴仍命禮  
部賜鈔及襲衣

丙辰

雲南老撾宣慰使司宣慰使刀線歹孟良府土官  
知府刀交各遣頭目貢馬及方物賜賚有差

丁巳

楚王禎來朝宴于華蓋殿賜從官宴于中右門  
徙山東山西湖廣民二千三百餘戶於保安州免  
賦役三年 哈密忠義王免力帖木兒使臣脫脫

不花及回回馬哈麻撒刺只等辭歸賜鈔幣有差

太宗文皇帝實錄

太宗文皇帝實錄  
十二月戊午朔

上視牲南郊

庚申

楚王楨還國宴如初至賜馬百匹鞍轡一副鈔三萬錠紵絲三百疋紗羅各百疋絹千疋胡椒千斤椰子千個紅白氍羅綿五十二條及紅撒哈刺獅子尾等物賜其從官鈔有差

辛酉修曲阜兗國復聖公廟時有司言復聖公廟壞

上曰國家重道遵師致嚴祀禮而廟宇不稱是瀆神  
矣瀆神有愆柰何不謹命工部即遣官修治又命  
凡從祀諸賢之廟有壞皆修之 雲南車里故宣  
慰使刀暹咨子刀隻孟遣人貢象馬及金銀器賜  
之鈔幣

乙丑

臘日賜文武群臣宴 陞錦衣衛千戶貫義為指  
揮僉事命孝陵衛故指揮使梅永貞子永善襲職  
食祿不視事

丁卯

古里瓜哇滿刺加占城錫蘭山木骨都東溜山喃  
渤利不刺哇阿丹蘇門答刺麻林刺撒忽魯謨斯  
柯枝南巫里沙里灣泥彭亨諸國及舊港宣慰使  
司臣辭還悉賜文綺襲衣遣中官鄭和等賞勅及  
錦綺紗羅綵絹等物偕往賜各國王仍賜柯枝國  
王可亦里印誥并封其國中之山為鎮國山  
上親製碑文賜之曰王化與天地流通凡覆載之內  
舉納于甄陶者體造化之仁也蓋天下無二理生  
民無二心憂戚喜樂之同情安逸飽煖之同欲奚  
有間於遐迩哉任君民之寄者當盡夫子民之道

詩云邦畿千里惟民所止肇域彼四海書云東漸于海西被于流沙朔南暨聲教訖于四海朕君臨天下撫治華夷一視同仁無間彼此推古聖帝明王之道以合乎天地之心遠邦異域咸欲使之各得其所蓋聞風而慕化者非一所也柯枝國遠在西南鉅海之濱出諸番國之外慕中華而歆王化久矣命令之至拳跼鼓舞順附如歸咸仰天而拜曰何幸中國聖人之教沾及於我乃數歲以來國內豐穰居有室廬食飽魚鼈衣足布帛老者慈幼少者敬長熙然而樂凌厲爭競之習無有也山無

猛獸溪絕惡魚海出奇珍林產嘉木諸物繁盛倍越尋常暴風不興疾雨不作札沴殄息靡有害菑誠王化之使然也朕揆德薄何能若是非其長民者之所致歟乃封可亦里為國王賜以印章俾撫治其民并封其國中之山為鎮國之山勒碑其上垂示無窮而系以銘曰截彼高山作鎮海邦吐烟出雲為下國洪龐時其雨暘肅其煩歆作彼豐穰祛彼氛妖庇于斯民靡菑靡沴室家胥慶優游卒歲山之漸考海之深矣勒此銘詩相為終始

歷代名臣奏議書成先是

上以璽書諭皇太子令翰林院儒臣黃淮楊士奇等  
採石古名臣直言如張良對漢高鄧禹對光武諸葛  
孔明對昭烈及董賈劉向谷永陸贄奏疏之類彙  
錄以便觀覽至是書成以進

上覽而嘉之賜名歷代名臣奏議因謂侍臣曰致治  
之道千石古一揆君能納善言臣能盡忠不隱天下  
未有不治觀是書足以見當時人君之量人臣之  
直為君者以前賢所言便作今日所且聞為人臣者  
以前賢事君之心為心天下國家之福也遂命刊

甲以賜皇太子皇太孫及大臣

勅都督冀中馬

聚往湖廣調長沙護衛官軍三千戍守遼東二千  
戍宣府二千戍保安諸衛餘調山東緣海六衛改  
儀正為正千戶儀衛副千戶典仗為百戶校尉女  
戶俱充軍

癸酉

賜營西宮官軍夫匠鈔有差

丙子

陞禮科給事中陳順親兵部主事陶琰為光祿寺  
丞三帶州知州張彝為江西布政司右叅議洮江

州知州何廣為湖廣布政司右叅議交趾布政司  
左叅政劉本為山東按察使交趾按察司副使阮  
友彰為福建按察使兵科給事中高瑛為湖廣按  
察司僉事 設永寧衛以統屯戍口北長安嶺等  
處刑徒

丁丑

增設武中衛中左中右中中前中後五千戶所  
統南丹等衛改調官軍及新編軍匠

己卯

皇孫生賜名瞻埏

皇太子第十子也

貴州布政司左布政使蔣庭璜

言本司及所屬郡縣俱係新設大小官員同日之  
任今三年例該給由而蠻夷之人難服易變若皆  
依例赴京水陸往復動輒經年况今土地貢賦正  
資清理金銀坑冶亦須提督缺官撫字必致乖離  
乞令各官俟六年滿日通具功績赴京考覈為便  
從之

壬午

陞戶科都給事中胡濙為禮部左侍郎兵科給事  
中米政為湖廣按察司僉事



甲申

陞翰林院修撰沈度為本院侍講學士中書舍人  
沈粲為翰林院修撰粲度之子也

丁亥

享

太廟 是日陞指揮使朱真唐敬為大寧都指揮僉  
事 超授總旗蘇斌錦衣衛指揮僉事初斌為儀  
衛司校尉隨征渡江累著勲績而有司失其籍至  
是自陳故有是命 賜右軍都督同知高成  
致仕 置遼東金州旅順口望梅塢左眼右眼三手

大

山西沙州山頭瓜牙山敵臺七所 是歲天下戶

九百八十二萬二千七百五十七口五千一百八  
十七萬八千一百七十二賦稅糧三千二百五十  
一萬一千二百七十石布帛一百七十三萬三千  
九百二疋絲綿二十二萬七千三十五斤綿花絨  
二十四萬一千七百十有五斤課鈔千五百七十  
五萬七千二百四十三錠金千四百一十兩銀二  
十八萬五百二十三兩珍珠大八百八十顆小一  
石四斗一升銅錢二千八百五十貫銅二千五百  
五十五斤鉄四十九萬三百九十八斤鉛七萬四

千六百五十三斤硃砂千四百九十九兩海肥三  
十三萬三千三百八十九索茶百二萬一千九十  
六斤鹽百三十八萬六千四百九十三引屯田子  
粒九百三萬一千九百七十石馬三十六萬八千  
七百五匹 餽運北京糧二百八十一萬三千四  
百六十三石 交趾供絹千六百六十八疋漆二  
千斤蘇木千五百斤翠羽二千紙扇一萬沉速安  
息等香二十三品

太宗文皇帝實錄





5